

ZAUURITUAK

Denak arriskutik kanpo

Marbellako Costa del Sol ospitaleko arduradunek esan dutenez, hobera egin dute Fuengirolako atentatuan zauritu eta ospitalean ziren bi lagunek. M.G. 33 urteko britainiarrek metrailak eragindako zauriak zituen toraxean, baita hainbat kolpe ere besoen. Malagako 44 urteko emakumeak zauriak ditu gorputz guztian. Hala ere, emandako botikekin hobera egin du. Bere senarrak ere zauriak izan zituen, baina berehala jaso zuen senda agiria.

kinaren ondoan. Aipatu eraikinean daude Espainiako Gobernuaren zenbait bulego eta Kantabriako Gobernuaren Hezkuntza Sailaren egoitza.

Segurtasun indarrek berehala hustu zituzten inguruko etxebizitza guztiak, arratsaldeko ordu bietan Gara egunkarian eta hamar minutu geroago Bilboko DYAn bonba-auto bat zegoela iragartzen zuen ETaren dei bana jaso ondoren. Bonbak 14:45ean egin zuen eztanda, deiak jakinarazi tokian, baina iragarri baino bost minutu lehengo. Polizi iturriek jakinarazitakoaren arabera, 30 kilo dinamita eta kloratitaz osatutako lehergailua zen.

Leherketak sekulako zuloa eragin zuen kale erdian, eta haia bat auto kalteturik gertatu ziren zartakoaren ondorioz. Inguruko etxebizitzetako horma eta kristalak ere ez ziren onik atera, ez eta alboan dagoen San Fernando kaleko saltoki ugarietako kristalak ere. Ministerios eraikinaren beirateria hondatuta geratu zen. Izan ere, bonba-autoa Ministeriosen egoitzaren aurre-aurrean zegoen paratua, aparkatzea debekaturik dagoen gunen batean. Horregatik, polizia iturriek adierazi zuten autoak denbora gutxi zeramala bertan.

Renault Clio zuriak matrikula xafila faltsuak zituen, eta hilaren 20an Basaurin lapurtu zutela jakinarazi zuen Espainiako Kantabriako gobernu ordezkari Alberto Cuartasek.

ZARAGOZAKO ATENTATUA

Autoa Agoitzen lapurtu zuten, eta Nafarroako azken atentatuarekin lotu dute bonba-autoa

Herenegun Zaragozan izandako atentatuan erabilitako autoa, Agoitzen (Nafarroa) lapurtu zutela baieztatu zuen atzo Espainiako Gobernuak Aragoi duen ordezkari Eduardo Amejidek. Bestalde, polizia iturriek adierazi dute Zaragozako atentatuak duela gutxi Nafarroako Unibertsitatean izandakoarekin lotura izan dezakeela.

ATXILOKETAK

Bi gazte atxilotu dituzte Santanderren ETaren aldeko oihuak egiteagatik

Santanderko atentatua gertatu zen lekutik 200 metrora dagoen taberna batean, bi gazte atxilotu zituzten ETaren aldeko oihuak egiteagatik. Santanderko alkate Gonzalo Piñeiron «asto eta basatitzat» jo zituen bi gazteak, eta pozik agertu zen atxiloletengatik.

TURISMOA

«Kontuz ibiltzeko» eskatu die Strawk Espainiara bidaiatu asmo duten britainiarrei

Izan daitezkeen atentatuen aurrean, «kontuz ibiltzeko» eskatu die Erresuma Batuko Atzerri ministro Jack Strawk Espainiara bidaiatzeko asmoa duten turista britainiarrei. Hala ere, Erresuma Batuko arduradun turistikoek, Espainian dauden turista britainiarrek ez dutela euren herrialdera itzuli nahi adierazi zuten.

MALAGA

Kalte txikiak Fuengirolan eta Marbellan

Herenegun Fuengirola eta Marbellan egin atentatuak kalte txikiak eragin zituzten. Marbellakoan kaltetutako eraikinak konpontzen hasi dira, eta Fuengirolan normaltasunera itzuli dira.



EDUARDO ABAD / EFE

Jose Maria Aznar, atzo, EBren bileran eginiko prentsa agerraldian.

EBk «hondamendia eragin nahi izan dutenen aurka» joko duela esan du Aznarrek, Sevillan

Agentziak | SEVILLA

Atzoko bi atentatuen berri jakin bezain azkar, «hondamendia eragin nahi izan dutenen aurka Europa irmotasunez eta ausardiaz» borrokatuko dela esan zuen Jose Maria Aznar Espainiako presidentea, Europako Batasunaren goi bileran.

Adierazpenok Sevillan egin zituen Aznarrek, EBko estatu eta gobernuburu bileraren amaieran eskaini zuen prentsaurrekoan. Espainiako presidentea Santander eta Mijasko atentatuak gaitzetsi zituen, eta bezperan Zaragozako eta Malagako atentatuetan zauritu zirenei elkartasuna adierazi zien.

Aznarrek atentatuen erantzuleak «ahalik eta azkarren atxilotuko» dituztela nabarmendu zuen. Gisa berean, Espainiako Gobernuak eta EBko beste estatuek «terrorismoa ausardiaz eta konpromezu politikoekin eta pertsonalarekin» borrokatzen jarraituko dutela gaineratu zuen.

Ildo beretik mintzatu zen Romano Prodi Europako Batzor-

deko presidentea. Prodi Aznarren ondoan eserita azaldu zen komunikabideen aurrean, eta ETak gune turistikoaren aurka egin atentatuak gogor gaitzetsi zituen. Sevillan zen Jacques Chirac Frantziako presidentea ere, eta hitz gogorak izan zituen atentatuen egileentzat. «Ekintza hiltzaile eta zentzugabeak» zirela esan zuen. «Terroristek lotsa pasarazten diete herri honi, munduko eskualde honi eta gizateriari», gaineratu zuen Chiracek.

Gerhard Schroeder Alemaniako kantzillerrak ere deitoratu zituen atentatuak. Sevillako goi bileraren amaieran «Espainiari elkartasuna» adierazi zion. «Terrorismo mota honen aurkako borrokan guztiok elkartasuna adierazten diogu Espainiari», esan zuen. Schroederrek Malagan eta Zaragozan jazotako atentatuak ere gaitzetsi zituen, eta «borrokan» jarraituko dutela iragarri. «Terrorismoaren aurkako borroka irmotasunez egingen dugu eta, Europan edo beste edozein tokitan, irabazi egingen dugu», erantsi zuen.

ERREAKZIOAK

JAVIER BALZA

(EAEko Herrizaingo sailburua)

«Indar itxurak egin arren, lortuko duten bakarra Europa ETA amaitu beharraz jabetzea izango da»

GASPAR LLAMAZARES

(IUko koordinatzaile nagusia)

«ETak ez du lortuko errealitate politikoan esku hartzea bere odol programarekin»

BEGOÑA ERRAZTI

(EAKo presidentea)

«Gizarte polarizatu eta enfrentatura eraman nahi gaitu ETak»

MARCELINO IGLESIAS

(Aragoiko Gobernuako presidentea)

«Elkarbizitza apurtu nahi duten basatien aurrean, konfiantza berretsi behar dugu Zuzenbide Estatuan»

JOSE ATARES

(Zaragozako alkatea)

«Herriarrek ez dute inolako beldurrik izan behar, eta berriro kalea irabazi behar dugu»

GONZALO PIÑEIRO

(Santanderko alkatea)

«Hiltzaile basati hauen espirala ez da gaurkoa, eta nahigabe handiak ematen segituko dute»

IÑAKI AZKUNA

(Bilboko alkatea)

«ETA soberan dagoela urteak dira; kalte egiten digu euskaldunoi»

2002 UDako EUSKARA IKASTAROAK

ESKAINITZA
EUSKALDUNTZE-ALFABETATZE maila guztiak, HIZKUNTZA PERFLAK, MINTZA SAIORAKO TALDE BEREZIAK ETA EGA.

ERRITMOAK Aukeran.
PREZIOA 87 euro
16 urteik gorakoentzat.

BULEGO ORDUTEGIA 08:00-15:00

IKASTAROAREN IRAUPENA
Ekainaren 24tik uztailearen 24ra
Irailaren 3tik 27ra (EGA).

MATRIKULATZEKO EPEA
Ekainaren 3tik 20ra.

PASAIKO UDAL EUSKALTEGIA
Euskadi Etorbidea 61 (Anbulatoriaren ondoan)
20110 PASAIA

Tel.: 943 39 33 18 - Faxa: 943 40 05 07

euskal@pasaia.net

ZATOZ BREITAINIARA (BREIZH) ABUZTUAK 1-15

Orain euskaraz bidaia dezakezu!


- Hizkuntza, kultura, paisaiak...
- Giro jator eta euskalduna
- Autobusez eta kanpinetan
- 227 €tik aurrera

* Prezioan: autobusa,
14 gau kanpinetan, gida laguntzailea,
BEZa eta bidaia aseguruak

KULTOUR BIDAIAK
Segundo Izpizua, 26 Donostia
943 29 70 25 - kultour@euskalnet.net

†
ATSEDEN HAR BEZATE BAKEAN TERMITEK

Desagerrarazi nahi dituzu pipiak, termitak, sitsak eta beste xilofagoak altzari edo libururen batetik, arropa, ate, tarima edo zurezko egituretatik? Garbi-n erraz, garbi, laster eta merke garbitzen ditugu. Eta tratamendurik modernoekin, Shock Termikoarekin adibidez: ez dute parasitoen aztarnarik uzten, eta ez diete kalterik egiten piezei



eta pinturei. Deitu eta eskatu aurrekontua: 94 457 07 39
/ 943 33 18 37 / 948 30 32 45. Ikusiko duzu xomorro horiek zer gutxi irauten duten.

Garbi S.L.
KONTSERBAZIO TRATAMENDUAK